

興京縣志第八卷 禮俗

目次

民風

婚嫁

喪葬

祭祀

墓祀

官祀

歲事

雜禮

興京縣志

卷八禮俗

二十

奉天太古山房刷印

民食

民衣

民居

水火

仁山知水性既不同畢雨箕風好亦互異有哲人起以禮制欲以樂陶情而雅化成焉今雖去古已遠而歲時伏臘俗習所尙相沿不替猶有古道之存觀於鄉而知民心之厚也興京爲豐岐舊都習尙尤形樸素俗之所成無非禮之所寓撮要而記用備輶軒之采焉志禮俗

### 民風

性情勁樸不事文飾射獵尤嫺

見盛京通志

性情渾樸耐勞尙慷慨重廉恥惟地高多山生質偏於剛勁士重品行不尙矯飾庠序中身名之檢束甚嚴筮仕者亦皆以廉潔自飭

## 興京縣志

### 卷八禮俗

二十一

奉天太古山房刷印

農務耕鑿尤敦古處終歲勤動守農恆爲農之常工無技巧土木陶冶囿於舊式此爲交通不便限於地勢所致商無專業一肆列貨多至數十百種有上自綢緞下至葱蒜之諺以燒當兩行爲大賈土人率鮮從事直魯人爲多

### 婚嫁

婚姻之始先之以媒妁之言請合二姓之好次以牒書其年庚交互筮算名曰合婚婚約既成由媒氏議定聘禮由男家擇吉日備禮品致送女家曰下小茶亦曰放定質諸古禮納采納吉問名之名稱先後次序雖不相符其義無以異惟於放定之日女飾盛服出用旱菸筒與男家來賓以次裝菸此乃參以滿洲

之俗龍鳳柬今改爲官製婚書婚期前一月由男家擇吉日以衣服簪環豬酒各物致送女家並用紅柬開明行禮時日與屬相之避忌贊以吉語名曰年命帖同時擇福命之女眷與新娘裁妝新紅衣一襲俗稱開剪統稱曰下大茶亦曰過大禮即古之納徵請期二禮也婚期先一日女家備具妝奩往送之門男家敬備杯酒於門前以表歡迎之意一切嫁裝安置新房內名曰安櫃箱即時設席款待名曰嫁裝酒亦曰櫃箱席詰旦按照年命帖中所擇吉時男家備彩轎輿仗隨以鼓樂娶親人四名或六名陪伴新郎同往女家親迎到門迎入少憩對女家祖先及岳父母行禮禮畢即時先歸即古人御輪先返之禮今不往

親迎在家候親者居多喜轎到門大門少閉片刻重新開門迎入下轎時以紅氈鋪地女僮扶導至天地桌前拜天地男拜女立其旁禮畢男先女從扶往內室及房門男將女首所覆紅帕揭下曰揭蓋頭紅相引登牀向吉方安坐曰坐福女家備糖餡水餃令男女同食曰子孫饔餼食畢女盛妝出帳拜祖先翁姑及壻家尊長曰分大小及昏於洞房中紅燭高燒几案上鋪紅氈酌酒兩杯以紅絲繫古錢兩枚置杯中夫婦交飲即古人合巹之義是日親友餽送禮物致賀曰上禮設筵歡讌新郎當筵叩謝曰拜席至親尊長受新娘拜見各出釵環等物相答曰上拜過三日或五日新夫婦攜往岳家名曰回酒近時亦有文

明結婚者惟甚少他如生男懸弧生女懸帨依然古禮

### 喪葬

喪禮死者當彌留之際更易新衣舁於靈牀之上即古易簣之義氣絕後以銅錢二枚或銀少許銜口中以代飯孝子趨出西向號呼曰指路入室而哭即備穀米湯水香楮各物哭奠於里社之廟每日朝午夕三次曰送漿水或二日或三日棺殮即日孝家成服子女用斬衰男冠孝巾復以白布覆首由後垂前女用整幅白布包頭散髮括之以麻亦以白布覆首曰搭頭布以麻繚束腰杖以紙裹秫稽或柳條以代竹桐三日傍夕備香供紙錠祭於廟焚芻靈於路口孝家哭還曰送三或三日葬或七

日葬者曰凶葬不另擇日停放日多者須諷吉安葬安葬之前二日家奠開弔後來弔者詣靈前行禮孝子匍匐叩謝傍晚親友以次詣靈前舉哀曰辭靈詰朝發弔遷柩於喪輦曰升棺孝子執紼孝孫執紙旛前導孝眷哭泣輿隨親友相送至塋區壙深約三尺舁柩其中覆席以代槨孝子掬土三次然後封墓致祭舉哀畢孝家各釋麻繚並置喪杖於焚化香芻之火中束髮納履歸歛送殯親友曰回靈飯葬後三日詣墓致祭孝子繞墓培土曰圓墳每七日致奠一次七七而止百日薙髮小祥曰首周年大祥曰二周年禫祭除服曰三周年均詣墓致祭旗族喪葬與此畧有異處

祭祀

民戶歲時報本率皆懸宗譜於中堂前設几案羅列祭品小戶爲房舍所限皆書紅紙宗親牌位供於壁間祭祀以元旦爲最盛其餘節令隨時薦新不如元旦祭品之多每逢朔望惟旦夕焚香兩次他如院中供天地牌厨中供竈神其祭儀畧同祀先旗戶歲時常祭與民戶相等惟皆設位西方懸几高處上供神匣前設香槽每遇特別祭祀時用牲甚多焚搭枝香末供黃粱糕祭必於夜間家主降神束牲神前以酒灌耳祈神領薦或有伯衣巫舞於神前作清語以禱薦牲畢席地分食庭前索龍杆亦祀時所用俗傳杆上錫盂置食以餉烏鴉又有供朱果神女

興京縣志

卷八禮俗

二十四

奉天太古山房刷印

及萬歷媽媽者亦均附祀

墓祀

夏歷正月十五日夜間無論旗民各戶皆向墓設燭曰送燈清明節民人祭墓并修墓填土旗人以彩紙製佛頭插墳上七月十五日民旗各戶均祭墓并芟刈墳草十月初一日俗曰鬼節是日除祭墓外并焚冥衣於墓曰送寒衣

除夕前日或本日皆往祭於墓去墓遠者則奠於路口

官祀

孔廟燬於光緒三十一年之俄燹現就縣立中學校聖牌舉行

春秋兩季丁祭謹備三牲各一拜獻儀節遵祀典舉行  
關岳廟春秋兩季遵祀典舉行

賽田鄉間於三月十六日六月初六日祭於山神蟲王各祠祭  
畢食餽扶醉而歸即古賽田之義

祈禱向無專壇時逢亢旱即藉關帝龍王各廟建醮祈雨以慰  
輿情

### 歲事

陽歷新年官紳軍學互相祝賀照例停止辦公商戶但以酒饌  
誌慶不停交易

夏歷正月初一日今之春節即舊之元旦昧爽之時家家盛服

設香燭祀天地神祇次祀竈神祖先拜父母尊長舉家團聚食  
水餃翌晨各具衣冠互相拜謁曰拜年

初五日俗呼曰破五家家以面包蒸餠餠而食又以初七爲人  
日初八爲穀日初九爲果日初十爲菜日以日之陰晴占歲之  
豐歉

十五日爲上元節家家供獻元宵通衢懸燈結彩鄉人作劇曰  
太平歌謂可驅逐邪疫與古之儺畧同

清明節家家以麥麪作餠餠團聚而食

五月初五日今謂夏節即端陽節家家食角黍粉團懸繭虎蒲  
艾於門小兒之綵絲繫臂猶古續命縷之意

六月初六日舊天貺節農家率製蘇葉餠餠以相餽送  
七月初七日亭午以盂盛水放日下幼女拋鍼水中視其影以  
占巧拙晚間陳瓜果於中庭以拜牛女  
八月十五日中秋節家家以酒食相慶先一二日以月餅果品  
互相餽送夜間陳祀庭中曰拜月  
九月九日重陽節登高之舉以城鎮爲盛  
十二月初八日彙黍豆麥粟穀梁炊飯食之曰臘八粥  
二十三日以香飴紙馬祀竈以酒灌竈前曰醉司命俗呼過小  
年

除夕家家懸燈結彩取除舊更新之義竟夕不眠曰守歲致拜

尊長曰辭歲

雜禮

鄉飲之禮今鮮舉行鄉人每於新年互相燕會名曰會年茶猶  
古鄉飲之義

鄉人相見以鞠躬代昔日之長揖請安之禮旗人猶行之家族  
中湯餅會生兒三日曰洗三各以米麪豚蹄相餽曰下乳彌月  
酬筵名曰滿月酒

會親酒嫁女家過禮之日張筵款待親友俗以此名呼之  
遷居親友以食物相餽俗呼曰燎鍋底  
起造建築宅舍旣成親友送物品致賀曰賀房

民食

縣民普通民食以秠米爲大宗玉蜀黍米次之穀米又次之黍米偶食之稻米非年節與待客不用秠米通稱曰高粱米玉蜀黍米曰包米穀米曰小米黍米曰黃米稻米曰粳米飯分三種曰粥曰水飯曰乾飯粥去其汁加水即水飯秠米玉蜀黍米均攪以小豆煮之日間農戶三餐平戶兩餐以爲常麩以麥麩爲大宗通稱曰白麩山間間有菽面一種質糙不如白麩之精此外如小米黃米秠米均可磨麩以製煎餅火燒蘇葉餠餠乾糧之類隨時雜蔬城鎮俱有鄉間惟種蘿蔔白菜倭瓜土豆雲豆茄子黃瓜大葱韭菜數種秋白菜漬之缸中曰酸菜爲禦冬

要品再於初冬將蘿蔔白菜藏之窖中曰暖菜可食之來春其他菜蔬又有蘑菇雞卵木耳粉條爲鄉間欸客必需之物豬肉牛羊肉城鎮常有鄉鄙去市太遠非遇節令有不速客來殺雞爲黍即最厚之待遇燒酒爲本地出產飲者甚多其次農家所釀之黃米酒曰黃酒境內普通民食如此他如膏粱厚味殷富之家日享之需不在此例

民衣

縣民普通衣服惟布一種綢緞絨呢用者甚少顏色之中以青藍灰爲多夏單冬棉隨時更易暑寒兩季用葛與裘者亦少平人長衫短褂農人俱服短衣便於操作帽夏用草春秋用緞與

氈冬用皮絨鞋冬用棉與氈夏用紗女妝服裙者甚少民戶婦女亦有服緞錦者於慶弔之時見之男子則祇用隨時便衣著禮服者甚少

### 民居

縣民所住草舍居多瓦舍次之或三楹或五楹七楹九楹者甚少俱起脊無平房兩旁相依接蓋一間曰耳房耳房祇接一邊忌東西俱接正房之前有門房東西俱有廂房名曰四合房房間裝飾多窗屋內南北對面俱有火炕因邊地多風之故煙箆皆尙高大牆垣有用石砌者有用甄砌者有用土甃築者終不如木障柴籬之多除有門房院落外或甄門或板門或編柴爲

門雖無輪奐之觀頗肅內外之防觀於人之居處可以知風尙焉

### 水火

縣境山水味多清甘掘地丈餘即可見水近河之處掘井尤易近山之水有白漿者其味尤甘而性較烈東北區龍岡一帶山多楸樹水性尤烈小孩食之手骨粗腫腿彎典如弓筋骨拘攣多病居民不可不慎也灌稻漚麻俱引用河水燃料皆用木柴引火多用火柴取火之物今皆無用煨爐則用木炭間有用燠煤者燃燈俱用石油用豆油者甚少